

CHRIST QBQK OWO 5,000 ONYUÑ ASAÑA KE ENYQÑ INYAÑ

Matthew 14:13-36

QYQHQ UKPEP-ÑKPQ 93

Eke Mkparawa

IKQ IBUOT: “Edi Jesus asaña ekpere mmq, onyuñ qdohq mmq ete, Enq Mi ofuri odudu ke heaven ye ke isqñ” (Matthew 28:18).

Otu Owo Ema Etiene Enye

John Qduqk owo mmqñ ikedighe oruk Jesus ikpqn-ikpqn, edi enye ama enyene akpan idaha ke edisuan etop Gospel. Enye ekedi qkwqrq-ikq emi Abasi okosiode qdqn man qdqn usuñ qnq Jesus Christ. Enye ama asua qnq idiok-ñkpq kpa ke uwem edidem. Enye ama etin akpanikq añwa-añwa ke ini enye qkqdohqde ete ke inenke Herod ndida ñwan eyen-eka esie. Ke ntak oro ema esibe ibuat John Qduqk owo mmqñ.

Jesus ekekpekpem mme owo ñkpq onyuñ qkqk udqn, ndien ke okopde mbuk mfuhq mkpa John, ama oyom ndiduqk odudu. Edi ke ini Enye osimde mben inyañ, Enye ama okut otu owo emi eketienede Enye. Akananam Jesus ikopke mmem-idem inyuñ inamke utom ikaha nte Enye ananade ifet ndiñwam owo ekededi. Enye ikqdohqke mme owo etre nditiene Imq, me mmq enyqn, ibqhoke mmq edia eyuhq. Ke ini Enye okokutde mme owo, oro edi 5,000 iren owo ke esiode iban ye nditowqn efep, Enye ama atua mmq mbqm, ndien qtqn ndikqk mme owo udqn.

Nditua Mbon Unana Mbqm

Ke ini ekekperede mbubreyo, mbet ema enq ekikere ete yak Jesus qnq mme owo enyqnq man mmq ekpekeme ndika ke obio ñkedep udia. Jesus etre ndinam oro, edi akabare qdohq mbet ebqk mme owo, edi ñkukure udia emi mmq ekenyenede ekedi uyo ition ye iyak iba. Nte ededi, ema edqh q mmq eda esqk Jesus.

Ke ubqk Jesus ekeme ndinam kpa idem mkpri ñkpq ekabare edi edidiqn qnq ediwak owo. Enye ekeme ndida uwem nnyin ye nda-mmana enq (talent) nnyin, ekpekpekpri, onyuñ qdqn mmq man edi edidiqn enq mbio efep. Ukem nte uyo ition ye iyak iba ke idem mmq ekedide ata ekpri ndida mbqk akwa otu ntre, ntre nnyin, ke idem nnyin imekeme ndinam esisit, edi ke ini iyakde uwem nnyin inq Jesus, Enye ekeme ndinam utq utibe ñkpq oro ada itie. Ekeme ndidi mbet ema edqh ete, ke utq ekpri udia oro idighe nte ekemedede ndida mbqk otu owo. Ndusuk ini afo ekere ete ke nda-mmana enq fo ekpri akan nte edade enye enam ñkpq ke Gospel. Edi mmq ekpedi nda-mmana enq, me uyo ye iyak, me ikpuikpu ye mkpri ñkpq ekededi, Jesus ekeme ndida mmq nnam ñkpq man qnq Idem Esie ubqn ye itoro. Okposuk edi oro mbet ekeyikde ebaña ekpri udia, mmq ema ekop uyo enq Jesus. Mmq ikqfiokke se Jesus edinamde, edi mmq ema ekut ete ke Enye ekeme ndinam kpukpru ñkpq. Enye ama ekere, ndien ke ekekere abaña mmq emi edude ke unana; Enye ama qkqk mbon udqn, ndien qnq mmq udia ke utibe usuñ. Ukem nte Enye qkqnqde mmq emi ekopde biqn udia usen oro, Enye ke qnqnq mmq emi ekopde biqn ke spirit udia mfin emi.

Ndibuñ Uyo

Nte otu owo eketiede ke mbiet, Jesus emen udia onyuñ qdqn enye, ndusuk ke ata ukem usuñ nte emi owo Abasi ebeñede Abasi ete qdqn udia esie mbemiso enye adia. Ndien Jesus obuñ uyo mbio-mbio onyuñ qnq mbet, emi ekebqde enye uyo ye iyak oro enyuñ eyak mmq enq mme owo.

Ke usen oro mbet ema enq udia eke ikpohidem edi ke mme usen efep ke iso mmq ema enq udia eke ukpqn koro ekekot mmq ete edikwqrq Eti-mbuk. Mmq ema ebq udia ikpohidem ye eke ukpqn eto Jesus. “Esiode Mi efep mbufo ikemeke ndinam baba ñkpq kiet” (John 15:5). Nnyin ikot ke Eti-mbuk John 1:14 ite “Ndien IKQ akabare edi obukidem onyuñ oduñ ye nnyin;” ndien ke Gospel John 6:48, Jesus ama qdohq ete, “Ami ndi uyo Uwem.” Ke ini nnyin itinde ibaña udia eke spirit, nnyin itin ibaña Ñwed Abasi me Ikq Abasi. Ediwak ini ke nnyin ibqnade akam, nnyin ibeñe Qbqn ite qdqn Ikq, ndien qdqn enye emi obuñde Uyo uwem qnq nnyin ñko oro edi qkwqrq-ikq emi okotde oto Ñwed Abasi emi ayakde udia spirit emi qbqkde ukpqn qnq mme owo.

Uwak-Uwak

Ke Jesus ama qkqdqn udia ama, ama awak ekem kpukpru owo, ndien qyqh qsuho ñko. Ema enam mme uyo ition ye iyak iba ekabare ewak. Ntre ke edi ye udia eke spirit, ediwak edu ke Ñwed Abasi qnq kpukpru owo

ke kpukpru ini nko. Ke enye nnyin ikut se iyomde, inyuñ inyene nsuhò inò ini efen. Edinò udia eke spirit akananam ikureke.

Ndibòñ Akam Ikpòñ

Ke mme owo ema ekenyòñò Jesus ama òdòñ mbet ebem Enye iso eka ke edem inyañ eken. Enye ama onim uwut ñkpò ọnọ nnyin mi ndidu ikpòñ ke ini ibòñde akam. Edieke Jesus, Eyen Abasi, okutde ntak emi Enye ọbòñde akam, didie ke nnyin ikpenyene ntak ndidu ikpòñ ye Abasi ke akam.

Idighe ke ini Jesus ekenyenede mbiomo ke esit ikpòñ-ikpòñ ke Enye ekesibòñ akam. Ke ediwak idaha ye ke nsio nsio ini ke usen, Jesus ama ọbòñ akam. Ndusuk ini Enye ọbòñ akam ke idem Esie ikpòñ; ke mme ini efen mbet ema edu ekpere. “Ke ñkim-ñwaña usen-ubòk, Enye adaha ke enyòñ ọwọrọ aka ke ebiet desert, onyuñ ọbòñ akam do” (Mark 1:35). “Ndien akwa otu owo edi ndikop Enye, man Enye onyuñ anam mme udòñò mmọ ekure. Edi Enye ọkpòñ mmọ aka ke desert ikpòñ, onyuñ ọbòñ akam” (Luke 5:15, 16). “Edikem ke mme usen oro, Enye ọwọrọ ọdọk ke akamba obot ndibòñ akam: onyuñ ada ofuri okoneyo ke eribòñ akam nnọ Abasi” (Luke 6:12). Ke mme ini efen Jesus ọbòñ akam ke ini ediwak owo edude ye Enye. Ke ini Enye akanade uduọk-mmọñ, Enye ama ọbòñ akam (Luke 3:21). Ke ini Enye akadade ke mben udi Lazarus Enye ama ọbòñ akam (John 11:41).

Owo Abasi ikemeke ndika ñkodu ke idem esie ikpòñ mbòñ akam kpukpru ini, edi ke isòñ esit esie enye ke omum-mmum akam. Ediwak ini ke uwemeyo, ke ini utom esie, ke esit ufòk ñwed, me ebiet ekededi eke enye odude, Owo Abasi ese Ọbòñ, idighe ke uñwam me ke ukpeme ikpòñ-ikpòñ, edi ye itoro ye ekọm nko. Ndusuk ini enye ọbòbòñ akam ke idem esie ikpòñ, ndien ke mme ini efen enye ọbòñ akam ke ediwak owo edude ye enye. Esibòñ akam ikafañ ke usen?

Ofum Esiñere

Nte mbet ebede inyañ, ofum edi, ndien mbufut mmọñ esiñere ubom. Jesus ama ọfiọk ete ke mmọ eduk ke afanikòñ, ke ntre Enye etiene mmọ. Kpa ntre nko, mfin emi Enye ọfiọk ke ini ikọt Esie eyomde Enye, ndien Jesus odu do ndiñwam mmọ.

Ke ini efen, nte mbet ebede inyañ Galilee eka obio Gerasene (Mark 4:35-41), oyobio otibe. Ini oro Jesus ekede idap ke ubom. Ke ini mmọ ekotde Enye, Enye ama edemere onyuñ anam oyobio odobo. Idem ama akpa mmọ abaña odudu Jesus, edi tutu oro mmọ ikọfiọkke ete ke ema enọ Enye ofuri odudu ke Heaven ye ke isòñ (Matthew 28:18). Ke ini emi nte Jesus akasañade ke enyòñ mmọñ, ekpere ubom emi ofum ekesiñerede, mbet ema eyọhọ ye ndik, koro mmọ ikọdiọñọke Enye.

Esòñ Esit

Mme ini ekeme ndidu ke uwem emi owo okopde ndik, koro enye idiọñọke Jesus. Ntak ikoduhe inọ mbet ndikop ndik, koro Jesus ama odu do ndiñwam mmọ. Mfin Jesus odu ndiñwam, ke ntre ufọn iduhe inọ owo Abasi ndikop ndik ke ofum abarade, ndien mme ñkpò etie nte eyom ndibabiara.

Jesus ama etiñ mme ikọ ndọñesit ye nsọñidem ọnọ mbet. Enye ama ayarare Idem Esie ọnọ mmọ, onyuñ ọdọhọ mmọ ete ekukop ndik. Ediwak oruk ndik edu. Nnyin inyene ndik Abasi, man nnyin ikunam ñkpò me itiñ ikọ ekededi emi ayatde Abasi esit, edi ekedi oruk ndik efen ke Mbet ekenyene. Mmọ ekenyene ndik nte owo ke se mmọ ekekerede ete eyetibe ọnọ mmọ. Jesus ama ọdọhọ mmọ ete ekufehe ndik.

Se Jesus

Ke ini mmọ ema ekefiọk ete edi Jesus, Peter okoyom nditiene Enye ndinyuñ nnam nte Enye akanamde. Jesus ama ọdọhọ enye ete edi, ntre Peter ọwọrọ ke ubom onyuñ ọtọñò ndisaña ke enyòñ mmọñ ntiene Jesus. Adaña nte enye okosuk esede Jesus, Peter ama ekeme ndisaña ke enyòñ mmọñ, koro Jesus ama añwam enye; edi ke ndo-ndo oro enye esede mbufut mmọñ enye ama okop ndik onyuñ ọtọñò ndideñ. Nnyin imọfiọk ite baba owo kiet ikemeke ndisaña ke enyòñ mmọñ ke idem esie. Edi Jesus okoyom ndiwut mbet ye nnyin, nko, ete ke Enye enyene ofuri odudu. Enye okoyom ndiwut unana ukeme owo ke esiode Enye efep. Idighe Jesus ke Idem Esie ndinam mme utibe ñkpò ye mme ñkpò emi ebete odudu owo ikpòñ-ikpòñ edi Enye nko eyeñwam mbio efen ndidu uwem nnyuñ nnam nte Enye.

Jesus oyom owo kiet-kiet edidu ye enye ndinyuñ nnam nte Enye anamde. Jesus okodu uwem emi ananade idiọk-ñkpò, ndien owo Abasi odu uwem emi okoñde akan idiọk-ñkpò nte Jesus okodude. Owo ikemeke ndinam emi ke odudu Esie, edi Jesus ọnọ owo odudu ndidu uwem emi okoñde akan idiọk-ñkpò. Edi edieke owo emenerede enyin esie efep okpòñ Jesus, enye ọduọk odudu oro, nte emi Peter akanamde. Didie ke owo Abasi enyene ndiwuk enyin nse Jesus, Anditọñò mbuọtidem nnyin ye Andinam enye ọfọn ama (Mme Hebrew 12:2).

Asua ukpōn nnyin, Satan, ediwak ini ańwana nditap owo man ọwōńọre enyin ọkpōn ndise Ọbōn. Satan ọfiọk ete ke edinam ntre owo eyenyene ndik onyūn ọtōńọ ndideń ke idiọk-ńkpọ. Owo enyene ndikpeme se enyin esie esede.

Ńwed Abasi etiń abańa Adam ye Eve emi ekeduńde ke ediye ińwań Eden, emi mfri okodude ọnọ mmọ ndidia, ke mibọhọke eke eto kiet emi mmọ mikenyleneke ndituk. Edi ke ini Eve OKOKUTDE ete ke eto oro ọfọn ke udia, ntre enye ama otut utoń ke uyo Abasi onyūn adia mfri eto oro (Genesis 3:6). Ema enọ mmọ ufen ndien mmọ ikekemeke ndiduń aba ke ińwań. Omokut se ikotibede ke ini enye EKESEDE eto oro?

Ini kiet eyen Israel kiet, emi ekekerede Achan, ama otut utōń ke uyo Abasi onyūn ada ekura ye silver ye gold. Enye ọkọdọhọ ete ke ini imọ IKOKUTDE mme ńkpọ oro, imọ ima isin esit, ndien ke oro ebede imọ ida mmọ (Joshua 7:21). Akana nte enye ọbọ ufen ke idiọk ńkpọ esie. Yak kpukpru owo eda ukpep-ńkpọ eto mme owo emi enyūn ewuk enyin mmọ ke Ọbōn ekuse mme ńkpọ ererimbot emi edibiońode mbuọtidem mmọ onyūn anam mmọ eduọk mme mfọn Abasi.

Ke ini Peter okokutde ete ke imọ imedeń, enye ama okot Jesus ete ańwam imọ. Jesus ama anyan ubọk Esie usọp-usọp onyūn anyañ Peter. Ntre ke edi mfin emi: ke ini owo ọfiọkde ete ke imọ imedeń iduk ke idiọk ndien ke iyetak, edieke enye okotde Jesus ete anyañ imọ, Jesus odu do ndisio enye mfep usọp-usọp.

Jesus ikanyańake Peter ikpōń-ikpōń edi Enye ama anam ofum etre ńko. Mbet ema etuak ibuoť enọ Enye. Ntre ńko ke owo Abasi anam ke ini Jesus anyañade enye onyūn anamde mme ofum eyihe etre.

Ke ini mmọ esimde mben inyań eken mmọ ema ekut mme owo emi ekenyenede mbuọtidem. Ema ekọk ediwak mbon udọńọ; adańa ediwak owo nte eketukde Jesus ema enam mmọ ekop nsọńidem. Mmọ emi edọńode ke ikpọhidem mme ke ukpōń eyenam mmọ ekop nsọńidem ke ini mmọ esańade ye mbuọtidem enyūn etukde Jesus.

MME MBUME

1. Anie owo ekedi John Ọduọk owo mmọń?
2. Nso edi ntak emi ekewotde enye?
3. Otu owo ekedi owo ifań?
4. Didie ke ekebọk mmọ?
5. Nso edi ntak emi Jesus okoyomde ndidu ikpōń?
6. Nso idi ntak emi Peter ekedeńde ke mmọń?
7. Didie ke ekenyańa Peter man enye okutak ke mmọń?